



16. Maj 2019

UPA 2019/222  
Aqqalu C.Jerimiassen

**Kalaallit Nunaanni immap naasuinik pitsaannerusumik tunisassiornissaq anguniarlugu, kiisalu annertunerusumik pisuussutit atorluarneqarnissaat pitsaannerusumillu periarfissiuunniarlugit apeqquteqaat aallaavigalugu oqallisissiatut siunnersuut.**

(Inatsisartunut ilaasortaq Jens Napâtôk', Partii Naleraq)

“Uku pisuupput una imaammat”, oqallissaarummik allagaqartoq taama toqqaannartigisumik oqarfigerusuppara oqallissaarusiaata atuarnera aallartiinnarlugu sammivilersornera inunnut ataasiakkaanullusooq attuumassutilikkatut suliaasutut isikkoqarmat. Naakkigisinga-millu eqqarsartaaseq avammut suaartaatigiuartillugu namminiilivinnissamillu oqaluttuarlusi sammivik taanna sumiippa?

Immap naasui, ila oqaluttuaq takigunaqaaq nunatsinni immap naasuia atorluarneqarnissaannut suliniutaasimasorpasuusimasut qiviariaraanni.

Tassami assersuutissaalluarpoq qanoq aallunneqartiginikuusimagaluarnera, namminerlumi misissuinerlut pikkorikkaanni 12. Januar 2015-imi sermitsiap nittartagaani allanneqarsimasumi allaqqavoq Ilulissani inuussutissarsiorneq pillugu ataatsimeersuartoqarsimasoq minnerpaamik nunanik tallimanik peqataaffigineqartumit immap naasui qulequtaralugit.

Ilaatigut oqallissarisup suliffeqarfik ataaseq assersuutitut atorpaa, soorli tamanna taamatut nipeqartinneqartariaqarnersoq toqqammavissaqanngivissortutut Atassummiik isigaarput, tassami Greenland Holding A/S-ip ataani inuussutissarsiornermut ineriartortitsinerlut suliaqartuusunit qanoq aallunneqartiginikuunersoq isigissangaanni sooq taamarsuaq suli mamiagineqassanersoq takujuminaakkami.

Namminersortut namminersortuulik, imaanngilarlu namminersortuuleraanni pisortanik napatitaanissaq aamma siunnerfiussasoq. Ajornaqaarmi namminersortunnguakkuluttut atungarliortutut immitsinnut inissittarniarutta suna angussangatsigu? Piffissanngunnginnerpa eqqarsartariaaseq tassani nikiseqqaassallugu?

Ukiorpasunngillat suna tamapajaarsuarmi pisortanit ingerlanneqarmat inuussutissarsiornerlut attuumassuteqarsinnaasoq, tassami 80-ikkulluunniit taamaallaat uteriarfigilaassangaanni pisortanit suna tamapajaamit ingerlasoq takuneqareersinnaavoq. Nunatsinni namminersortuulluni suliffeqarfiteqarneq suli inuusuttuuvoq, ineriartortitassaqaqaagullu tassuuna nammineerluta.

Kalaalerlu nunamini namminersortuuniaruni naatsorsuutigereertariaqarpaa aallaqqaataaniilli tamaarsuangaatsiarnissaq qaqerusukkaanni, ajornaqaarmi qanoq suliassaarukkaanni pisortat kisimik



tassani pisuutinneqassangamik, ila inuttut akisussaaffeqaqataavugut namminersortuunissaq toqqarsimagutsigu sukataarniarta, iluatsinngippat tullissaanut sukasaatigalugu. Tassami ilaatigut sorsungassani ajorsarnek sorsugassanut nutaanut iluatsittussanut ammaassisarmat.

Oqallissaarisup oqariartuutaani takuneqarsinnaavoq immap naasuinik tunisassiornermi nunarsuaq tamaat ataatsimut isigialugu annertutigisumik tunisassiortoqarnermaq, imatullu ajornangitsigisariaqanngilaq taava oqassalluni; “qivi aningaasartanik ulikkaarpoq, qaa kr.500.000-inik tuninnga tunisassiorniarpunga!” Tunisassior tungorniarutta angisuutut nunarsuatsinni minnerpaamik suleqatigiissinnaanermut pikkorinnerusariaqarpugut, inuussutissarsiutinullu allanut ilaluarniakujuttarnerput peeqaartariaqarput.

Taama oqaaseqarpunga, inuiattut namminiilivinnissamik sukkanerpaamik sulissuteqarniarluta innuttagullu nalligalugit qanorlu ingerlanerliortigineramik oqalunniarluta ataqatigiinngittoqarlunnartoq malunnarmat. Naalagaaffeqatigiinnerup iluaniitilluta Atassummiik ersarissarumavarput suli inuussutissarsiornikkut siuarsaasoqaqqinnissaa periarfissaqarluaqqilernikummat, tassa Qallunaat Nunaani Erhvervsministeri atsioqatigineqarpoq nunatsinni inuussutissarsiorneq pitsaanerumik ingerlasinnaaqqullugu aningaasaliinertalimmik, tassamiaasit ilaasa immitsinnut avammut tuninertut nalilersimassagaat takorlooriiginnarneqarsinnaavoq, unalu Atassummiik ersarissaqqikkusupparput, suli naalagaaffeqatigiinnerup iluaniippugut ila! Periarfissaqarnitsinni periarfissat atorluarniartigit naalagaaffeqatitta tunniussinnaasai.

Vækstfonden nunatsinnuunnaq aningaasanik annertungaatsiartorsuarnik inuussutissarsiornikkut siursaanissamat siunnerfilinnik illikartitsinikuuvoq, tamakkuuppullu periarfissat namminersortungorniarlutik takorluugaqartut atorluarsinnaaqisaaq immap naasuinik suogaluarnersunilluunnit allanik tunisassiorniarnilutik sinnattoqarunik.

Nunarput periarfissanik ulikkaarpoq, aap tamanna ilumoorpoq, taamaamat pisortanut utaqqiinnarunnaarluta nammineq inuttut nikussaarniarta periarfissat nammineq aggerunnangillat uagulli nammineq pilersissinnaavagut.